

Bagong Bayani Ng Bayan  
(ni Danilo C. Diaz)

Kung meron mang pagdaramdam  
Sila'y sumabak sa laban;  
Alam kasing ang dahilan  
Tungkuling dapat gampanan.

Tapang nila ang sandata  
At pangsangga ay maskara  
Sa panganib ng Pandemya  
Ang nangunguna ay sila.

Kaibigan, kamag-anak  
Sa kanilang pagliligtas  
Buong giting ang pagharap  
Ngiti't luha man ang wakas.

Hindi't wala silang takot  
Nagbabantay, nanggagamot  
Kahit kulang ang pagtulog  
At di kapiling ang irog.

Sa pagdamay nilang tunay  
Ang dapat ay parangalan,  
"Bagong Bayani Ng Bayan"  
Kaya, sila'y bigyang-pugay.

#

dcd/dodie  
31Aug2020

